

docriver 文川网  
古籍书城  
入驻商家 发现更多电子书  
在文川网搜索古籍书城

中國方志叢書·華南地方·第二三五號

據

民國·王維樑修，廖立元纂  
民國三十一年鉛印本

影印

福建省

# 明溪縣志



成文出版社有限公司印行

sf60/10/0575



中華民國三十三年九月

明溪縣志

劉建緒署

中華民國三十一年  
歲次壬午冬月重修

docsriver 文川网  
入驻商家 古籍书城

在文川网搜索古籍书城 获取更多电子书

## 重修明溪縣志序

志類之書夥矣，省有省志，縣有縣志，名山勝蹟皆有志，卽上而國史，下而家乘，亦志也。苟從政者欲深知一邑之山川形勢，風俗文野，物產豐嗇，人物臧否，則莫縣志若。蓋縣志之所記載，就近取材，詳而且確，實堪爲興利除弊鑑往知來之一助。

明邑志書，失修者已二百餘年，不可謂不久矣。前年冬，由王前尹召集士紳，從事編纂，期年而全稿告竣，不可謂不速矣。祇以抗戰時期，物價飛漲，印刷工料，需費二萬餘金，籌僅及半，未能付梓，一篲功虧，人咸嘆惜。

今年春，余奉令承乏是邦，索稿披閱，欣悉在事諸君子，博採旁搜，悉心編輯，門類井然，頗有可觀。第成書時促，舛誤遺畧，當所難免。茲爲慎重起見，用將原稿公開審查，缺者補之。

誤者正焉，庶不至發生別風淮雨夏五郭公之遺憾。

審查既畢，余於經濟竭蹶中，增籌的款萬餘元，商請賴編纂家培親携稿款，前往沙邑，督促手民，兼司校對工作。行見書成有日，固不獨官斯土者施政之有所借鏡，抑亦全邑文獻典章所賴以不墜也。余適逢其會而復樂其成，爰綴數語而爲之序云。

中華民國三十三年莫春月明溪縣縣長湖南茶陵劉攸治序於公廨

## 重修明溪縣志序

明溪建邑，肇自有明，其志書始於崇禎末年，由楊大令鼎甲，裒集九卷，旋於康熙甲子，由王大令國脈，召集諸紳，設局增修，喬乎大觀焉。康熙戊寅，湯大令傳策，畧有增補，此後失修垂二百餘年，聞道光間揭進士鳳階，編有志稿，未付手民，修而未果，誠爲可惜。

民國三十年夏，余由永泰調篆是邦，欲知此間之人情風土，及過去邑牧政績，藉爲興革參考。遍索舊志，歷經兵燹，蕩然無存。嗣聞葉紳大增，尙有家藏抄本，始得披閱。

然篇簡零落，闕焉不全。以一邑徵信之文，而漫無可考，甯非憾事。矧自康熙迄茲，閱二百餘載，未見剞劂，名區勝蹟，鄉賢偉士，湮沒不彰者，何可勝道。而桑田滄海，人情風俗，豈無

更易轉移。若不再事修纂，將來老成凋謝，採輯愈難，誠無以彰前善。

夫國有史，地方有志，所以垂鑒戒，風後來，藉資爲治者也。故朱晦翁有言曰：「涖官之地，必先修志。」余平日深韙是言，爰集諸紳，籌議重修，僉以事關全邑文獻，興墜振廢，罔不贊同。

當卽組織修志委員會，並承推余爲主任委員，葉紳大增，廖紳立周副之，廖立元，李國霖，賴先傳，賴家培，揭宗唐諸紳，則分任總副總纂及編纂，黃紳玉崐任總務，並聘採訪員多人，專事採訪。全會經費，由各鄉籌募。始於民國三十年秋，翌年冬慶觀厥成。志中分門別類，廣爲搜羅，凡有舊志所未載及應新增者，悉採以錄之。



余曾告諸紳曰，志書叙事必詳，然非以誇多也，修辭必嚴，非以立異也。考究必真，採訪必確，非欲求全，將以昭徵信也。但數百年之事實甚繁，數人之見聞有限，舛誤處容或有之，掛漏處亦恐難免。訂訛補闕，尙有待諸後賢，是爲序。

中華民國三十二年元月晉江王維樑序



重修明溪縣志序

邑之有志猶國之有史史所以詳時代之盛衰人才之升降政治之良否志則僅叙其山川城郭建置沿革風土物產因事直書他若名宦人物列女亦多褒而鮮刺似史難而志易但志雖爲一方之史舉凡史之所記如天文五行地理溝洫列傳藝文選舉諸類靡不記載無遺故邑志恆爲省郡志所取資邇來嘗修之通志無不以邑志爲權輿卽歷來官斯土者爲地方因革損益何莫不以邑志爲考鏡邑志顧不重哉明溪原爲明溪驛設治於明成化八年原名歸化民國間改易今名當時草昧初開文化未闢至崇禎末年始有楊侯鼎甲之志書九卷迄清康熙二十三年王侯國脈延聘士紳設局編纂維時因陋就簡凡三閱月而志書告成康熙三十七年湯侯傳策亦復有增輯計自康熙迄今二百四十有餘載中間鄉先達屢議興修均不果行民國成立通令各縣修纂縣志明溪雖設局編輯

因時局變遷稿未脫而中輟蓋若斯之難也惟歷久不修文獻無徵卽學士能識故老能言之者過此亦闕而不詳官斯土者欲知此數百年來之典章制度而興革損益之亦無所考證舊縣志雖有家藏舊本屢經兵燹已蕩然無存王公維樑去夏來蒞茲土承以修志事相詢周答以年久失修採輯頗難舊志現雖有葉君舒青抄本而魯魚亥豕舛誤滋多王公以事關全邑文獻不可不力謀修復爰撥款採購省通志一部藉資考鏡復與葉君舒青相商葉君極端贊成黃君德五賴君繼祖聞之亦深表同情迺由縣召集士紳組織修志委員會推王君維樑爲主任委員葉君舒青與周爲副主任委員會弟勉齋爲總纂維時會弟尙未返里以周暫兼總纂職周才疏學淺深懼弗勝顧以事關公登復承葉君等敦促再四不得不貿然追隨諸君子之後而完成諸先達未竟之志爰辭去縣府職務冀得在會專心任職並担任編輯選舉一門查吾邑自康熙以來乾嘉間文

風頗盛科名鵠起第年湮代遠採訪維艱所有諸先達事蹟及乾嘉以後科名與夫學校出身者除得諸採訪員所報告外並根據舊抄縣志舊汀州府志新編建通志暨各姓族譜縣儒學生員題名錄及縣府案卷爲藍本稿成深恐掛一漏萬並送諸同仁傳觀核正以匡不逮至本會一切行政周與葉君舒青有襄助主任委員主持之責所有諸同仁稿件一經賜閱不得不畧參管見以明責任此次志書係諸先達所推讓不敢爲者諸同仁竟毅然爲之得告厥成亦云幸矣然不過遇事直書勉爲草創至於討論修飾潤色則有待諸來者尙望後之君子數十年而一修之庶斯志之不朽云爾

中華民國三十一年十二月 邑人廖立周謹序



## 凡例

一查舊志未編凡例茲本無例不成書之義許凡例如後列各條以明本書內容及編纂之大意

一此次輯志已第三次重修若僅載重修二字仍不足以表明次數反不如不加重修字樣以免求詳反畧是以本志除序跋標題仍列重修字樣外其餘均稱爲明溪縣志不加重修二字

一舊志僅編十卷茲將舊志內容酌爲移改並略有增編計分爲十五卷每卷均詳編目錄俾閱者一目了然藉免翻閱之不便

一舊志每門必冠以小引而參諸各縣新志亦有照舊加編小引或逕予刪除不用者蓋亦各有所取也本志現仍依舊照編小引除增編及移改各門另行新編外其餘小引多仍其舊籍存前人遺墨惟亦有酌加損益俾與現編志書之內容相符

一圖表近代最爲崇尚惟現值抗戰時期印刷甚爲困難除全縣輿圖必須繪印外餘均避免不用

一本志所編年限原係截至民國三十年年底爲止惟選舉及建置大事暨其餘各門中有關重要而爲事所必書者雖在三十一年一月以後亦酌予列入

一天文一門爲舊志所無茲以輿地中之星野列入並酌增氣候等類

一舊志輿地門列有風俗歲時土產等類茲將土產另列爲物產一門風俗歲時另列爲禮俗一門而以憲治一類移歸建置門並將建置門之關隘移列于輿地門似于各門類之性質較爲相合

一舊志輿地門之土產類僅載物名茲編物產門係將各物詳加註釋俾知物產之來歷與用途蓋亦提倡增加生產之意也

一舊志輿地門之邑治類僅云劃寧化之柳陽下覺里清流之歸上歸下



里沙縣之沙陽里將樂之興善中和里置歸化縣治而沂州一帶村落向隸秦甯縣轄原亦劃撥在內則畧叙焉茲編業經予以考正

一舊志戶口係列在田賦門茲特另立一門以資查考

一黨務一門原爲舊志所無惟我國現係以黨治國本邑亦同隸黨治之下是以特立專篇俾知梗概

一選舉志中之例授職銜係以八品以上者爲限其在九品以下者概不列入廩增附已散見於各類者則廩增附項下亦不重列又民國以來機關既多屬職亦繁且時設時廢如所任職務概須登載難免不無掛漏是以本志非機關長官能獨立行其職務者均予從畧卽職官志所列亦係如是

一選舉志係參照省通志及舊府志舊縣志暨各姓族譜所載並各採訪員所報填列惟內有學校畢業一類除據採訪員填報外並由各個人

docsriver 文川网  
入驻商家 古籍书城

在文川网搜索古籍书城 获取更多电子书

自行開報雖經分別調查但未檢閱證件疏誤或恐難免

一舊志將太監列入選舉門之委用類現在國體業已變更特將舊載予以刪除

一舊志聖廟係分叙于學校祀典兩志茲係專列于學校志中並參照他縣志書及祀孔典禮於臚列從祀諸先賢先儒外並及歷代崇祀本末俾典章制度有所稽考

一舊志將兵變災祥載入雜紀後人訾之嫌其不類特予剔出另編一門爲大事志蓋國家大事首在戎戎兵事也邑之範圍雖小土地人民政事尙無不同且天道人事本有連繫作用茲以年爲綱以事爲目舉凡兵寇祥異政治變革巨細畢舉類共條分既足鑑往知來亦屬省覽醒目至雜紀中尙有古蹟邱墓兩類已移列于地理志中之名勝類矣

一本志所輯藝文凡本籍人氏所撰者入藝文志由外籍人氏所撰者卽

依藝文之標題于各本類分別附錄例如邑人陳喆所撰吳邑侯德政生祠記輯入藝文志而邑令黃易所撰之鼎建龍湖儒學記則輯入學校志之類是

一明溪設縣始于明成化六年人物列傳似應錄自設縣以後惟未設縣以前如其人果屬鴻儒碩學奇才異能既係誕生我邑轄地亦應一併錄列茲已查照列入藉光篇幅

一舊志除外籍循吏于秩官志列有循良列傳一類外至理學忠烈等類均稱為人物志不稱列傳茲將人物志名稱改為列傳計分理學循吏

忠烈風節孝義鄉行文苑武功義勇獨行女德

內分賢智節孝  
貞烈等三類

藝術流

寓方外等十四類統稱之為列傳不稱人物蓋亦遠遵史法近依志例非好為紛更也至循吏一類無論為外籍人氏或本籍人氏均予併列惟前半為服官本邑之外籍人氏後半為服官他鄉之本籍人氏耳

一明溪設縣已歷四百七十餘年其間名儒顯宦自不乏人其事蹟當必  
炫耀一時堪以示範後世但有因代久年湮無從探訪其事實者亦不  
得不付之缺畧也

一舊志雜紀所編兵燹災祥古蹟邱墓等類既已另編移列茲特改立雜  
錄一門將舊志序跋目錄及纂修姓氏一併附錄俾閱者知淵源有自  
藉寓表揚之意另有軼事摭聞數則雖多係得之傳聞爲近代人士所  
不道然欲求雅俗共賞起見亦一併附列至捐款題名一類則因籌款  
維艱欲藉此以昭激勸此外尙有其他雜件則立一雜記以附誌焉

一明志失修已久其間又迭遭兵燹名人載籍散失殆盡殊有文獻無徵  
之憾此次從事編輯不獨維乾以迄咸同年代久遠查考困難卽近代  
事實亦因期間甚迫探訪未能詳盡漏誤之處實所不免增補訂正尙  
有待諸後之君子

總目

卷首 序 凡例 總目 纂修採訪員名

卷一 天文志

星野 氣候 經緯度 日出日入時刻

卷二 地理志

沿革 附圖 疆界 鄉保 山川 名勝 關隘

卷三 物產志

植物 動物 礦物

卷四 戶口志

清代戶口 民國戶口

卷五 黨務志

組織及沿革 最近的活動 歷屆人員一覽

分上下  
二册

進士 特奏名 武進士 舉人 欽賜舉人 武舉人 武副舉人

恩貢 拔貢 副貢 優貢 歲貢 例貢 薦辟 仕宦 武職

封贈 蔭襲 鄉飲介賓

以上係  
上册

廩增附生 武生 學校畢業 議員

以上係  
下册

卷七 儒學志

學校 學額 學田 書院 圖書館 新學校

卷八 職官志

職志 歷官

卷九 賦稅志

田賦 捐稅 鹽課

卷十 建置志

城池 衙署 街道 墟市 橋亭 驛郵 祠廟 坊表 水利  
倉廩 陶冶

卷十一 禮俗志

習尚 禮儀

卷十二 大事志

明代 清代 民國

卷十三 藝文志

選文 選詩 摘要 存目

卷十四 列傳 分上中下三册

理學 循吏 忠烈 風節 以上係上册

孝義 鄉行 以上係中册

文苑 武功 義勇 獨行 女德 賢烈 藝術 流寓



目錄 卷一 卷二 卷三 卷四 卷五 卷六 卷七 卷八 卷九 卷十 卷十一 卷十二 卷十三 卷十四 卷十五 卷十六 卷十七 卷十八 卷十九 卷二十


方外 以上係  
下冊

卷十五 雜錄

舊志序跋 舊志目錄 舊志纂修姓氏 軼事摭聞 捐款題名

雜記

卷末 跋



纂修採訪員名

主任委員

王維棟

晉江人 專建省立理工中學畢業曾任三元特種區及峯市特種區區長永泰縣縣長前任明溪縣長

劉汝治

字毅然 湖南茶陵人 國立武昌中山大學政治經濟系畢業曾任茶陵師範學校校長軍事委員會政治部專員現任明溪縣長

副主任委員

兼任採訪

葉大增

字舒青 福建省立第一中學畢業 歷任歸化縣知事及縣長 澧清流甯化連城等縣縣長

副主任委員

兼任纂修

廖立周

字筱清 浙江候補府經歷 曾任浙江法政專門學校畢業 分浙江候補府經歷 曾任浙江法政專門學校畢業 審員

總纂

廖立元

字勉齋 廣東人 浙江官立法政學堂畢業 浙江候補知縣 民選考取縣知事 曾任浙江象山縣知事

副總纂

李國霖

字作甘 滯宣統己酉拔貢 吏部銓選直隸州州判 曾任本邑自治會議長 勤學所長 教育局長 因另有他就 於三十一年三月辭職



賴先傳

字聲初清原生全閩師範學校畢業曾任歸化明倫小學校長明溪縣立培英初級中學校校長原任編纂後接李副總纂辭職遺缺

編纂

兼任駐沙校對員

賴家培

字繼祖清附生法政自治畢業志稿編竣後即赴沙縣專任校對及督催印刷事宜

編纂

揭宗唐

字堯臣清附生法政自治畢業

葉克明

字德齋清附生曾任廬州南街郵政司局長到會未久即因病辭職

會計

兼任採訪

黃玉岷

字德五清附生曾任奉前大總統褒揚獎贈人倫坊表四字匾額並頒給褒章

繕校員

李國光

字用賓福建省立第七中學畢業

繪圖員

伍常經

字緯成自治畢業兼駐沙印志督催員

駐沙校對員

伍 琨 字笑山 福建省立第七中學畢業 本志係在沙縣印刷該員在沙任企業公司主任 卽就近與印刷局接洽 印刷事宜 並幫任校對

採訪員

李尙謨 清增 頁 湯登新 清附 生 羅隆道 清附 生 蕭榮鈞 清附 生 夏浚明 清附 生

余廷琦 清附 生 葉學賢 揭宗洙 馮雲峯 黃振梧

李祖夔 黃 諧 賴瑞椿 聶岱明 馮 琦

游良才 蕭連聲 湯 華 曾育興 邱任衡

邱煥謨 李繼堯 李繼唐 蕭鴻元 李登峯

李進煌 羅常謙 張芳芸 曾魯欽 陳聚暉

魏紹徵 梁運登 曾斗南 湯先成 吳聲金

李端藩

按上列員名係任有纂修職務之修志委員會委員及有採訪稿件

送會之採訪員至其餘委員及未有稿件送會之採訪員概未列入

明溪縣志卷一

天文志目錄

星野

氣候

晴雨 風向 朝霧 霜雪 寒燠

經緯度

日出日入時刻

docsriver 文川网  
入驻商家 古籍书城

在文川网搜索古籍书城 获取更多电子书





明溪縣志卷一

天文志

三時不害乃民和而年豐欲授人時必齊七政天文之學尙矣至地球亦爲行星之一其經緯度數且與氣候有關用併及之作天文志

星野

按周禮春官保章氏以土圭辨九州之域皆有分星以占妖祥漢史志地理載列國之分野以牽牛婺女爲吳越之分後漢郡國志云自斗十一度至婺星七度曰星紀吳越分野晉天文志云自南斗十二度至須女七度爲星紀吳越分野宋志云天市垣東蕃南六星爲吳越分元志云斗四度三十六分六十六秒入吳越分歸爲汀屬地在揚州之域其分野在星紀之次牛女之墟

右列星野之說係採自舊志今新學家多不韙其言惟在天成象在地